



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Justice and Administration

Broj: 03-04-04-25258-1/21  
Sarajevo, 09.09.2021. godine

**PREDSJEDAVALJUĆI SKUPŠTINE KANTONA SARAJEVO**  
**gosp. Elvedin Okerić**

**PREDMET: Izjašnjenje na zastupničku inicijativu zastupnice Admele Hodžić,**  
**dostavlja se –**

Ministarstvo pravde i uprave Kantona Sarajevo je zaprimilo inicijativu zastupnice u Skupštini Kantona Sarajevo Admele Hodžić, koja se odnosi na uspostavu Registra novčanih kazni za službe općinske inspekcije.

S tim u vezi, Ministarstvo pravde i uprave daje slijedeće

**I Z J A Š N J E N J E**

Predmetna inicijativa se direktno odnosi na nadležnost i djelatnost jedinica lokalne samouprave u Kantonu Sarajevo, te je Ministarstvo pravde i uprave navedenu inicijativu dostavilo svim jedinicama lokalne samouprave u Kantonu Sarajevo kako bi se izjasnili o istoj.

U ostavljenom roku, do trenutka pisanja ovog izjašnjenja, Ministarstvo pravde i uprave je zaprimilo šest odgovora jedinica lokalne samouprave na navedenu inicijativu (u prilogu ovog akta).

Pored toga, Ministarstvo pravde i uprave Kantona Sarajevo je izvršilo analizu odgovarajućih propisa koji regulišu materiju uspostave i vođenja registra novčanih kazni i prekršajnih evidencija, a na šta se dostavljena inicijativa odnosi, konkretno Zakon o prekršajima („Službene novine Federacije Bosne i Hercegovine“, broj 63/14) te Zakon o Agenciji za identifikacijske dokumente, evidenciju i razmjenu podataka Bosne i Hercegovine ("Službeni glasnik Bosne i Hercegovine", broj 56/08).

Zakonom o prekršajima, kao jedinstvenim zakonom na teritoriji Federacije Bosne i Hercegovine kojim se uređuje materija prekršaja, u članu 3. (Značenje izraza), između ostalog, propisano je:

„Član 3.

Značenje izraza

(1) Posebni izrazi u smislu ovoga zakona imaju sljedeća značenja:

1) ovlašteno tijelo je bilo koje od sljedećih:

a) mjerodavno policijsko tijelo Bosne i Hercegovine, Federacije ili kantona,



web: <http://mpu.ks.gov.ba>  
e-mail: [mpu@mpu.ks.gov.ba](mailto:mpu@mpu.ks.gov.ba)  
Tel: + 387 (0) 33 562-083,  
Fax: + 387 (0) 33 562-241  
Sarajevo, Reisa Džemaludina Čauševića 1



- b) mjerodavna inspeksijska tijela ili  
c) ministarstvo, poduzeće ili druga pravna osoba koja ima javne ovlasti i u čiju mjerodavnost spada izravno ili neizravno provođenje bilo kojeg zakona ili propisa koji propisuju prekršaje;  
2) Registar novčanih kazni i prekršajne evidencije je elektronska baza podataka o izrečenim novčanim kaznama za prekršaje, drugim prekršajnim sankcijama i troškovima postupka kao što je propisano u Zakonu o Agenciji za identifikacijske dokumente, evidenciju i razmjenu podataka Bosne i Hercegovine ("Službeni glasnik BiH", broj: 56/08);“.

Dalje, čl. 99., 102. i 103. Zakona o prekršajima propisuje se vođenje postupka, unos podataka i posljedne upisa kazne u Registar novčanih kazni, kako slijedi:

#### **„Član 99.**

##### **Vodenje evidencije**

- (1) Sud koji donosi rješenje o prekršaju i ovlašteno tijelo koje izda prekršajni nalog bez odgađanja će u elektronskoj formi u prekršajnu evidenciju unijeti podatke o novčanoj kazni i zaštitnim mjerama izrečenim fizičkoj osobi, pravnoj osobi, odgovornoj osobi kao i osobi koja obavlja samostalnu poslovnu djelatnost - obrt.  
(2) Sud koji primi zahtjev za sudsko odlučivanje, u skladu sa članom 59. ovoga zakona, taj će podatak bez odgađanja unijeti u prekršajnu evidenciju u elektronskoj formi i brisati sankcije izrečene prekršajnim nalogom.  
(3) Novčana kazna neće se brisati iz prekršajne evidencije dok se vodi kao dug u Registru novčanih kazni u skladu sa članom 102. ovoga zakona. Zaštitne mjere neće se brisati iz prekršajne evidencije dok se ne izvrše ili dok ne istekne rok zastare.  
(4) Posebnim zakonom mogu biti propisani duži rokovi za brisanje sankcija iz prekršajne evidencije.  
(5) Propis o sadržaju i načinu vođenja prekršajne evidencije donosi federalni ministar unutrašnjih poslova uz saglasnost federalnog ministra pravde.

#### **Član 102.**

##### **Unos podataka o kaznama u Registar novčanih kazni**

- (1) Sve novčane kazne i troškovi postupka izrečeni na osnovu konačnog i izvršnog prekršajnog naloga ili pravomoćnog i izvršnog rješenja o prekršaju upisat će se u Registar novčanih kazni i biti evidentirani kao dug koji kažnjenik duguje odgovarajućem nivou vlasti kojem se plaća.  
(2) Nakon što prekršajni nalog postane konačan i izvršan ili rješenje o prekršaju postane pravomoćno i izvršno, ovlašteno tijelo ili sud izvršit će unos podataka o novčanoj kazni i troškovima postupka u Registar novčanih kazni.  
(3) Način i postupak unosa podataka o novčanoj kazni i troškovima postupka u Registar novčanih kazni iz stava (2) ovoga člana utvrdit će Federalno ministarstvo unutrašnjih poslova u roku tri mjeseca od dana stupanja na snagu ovoga zakona.  
(4) Novčane kazne i troškovi postupka evidentiraju se kao dug u Registru novčanih kazni dok kažnjenik ne plati puni iznos novčane kazne i troškova postupka. Novčana kazna i troškovi postupka u svakom slučaju bit će brisani iz Registra novčanih kazni po isteku pet godina od dana kada je prekršajni nalog postao konačan i izvršan ili je rješenje o prekršaju postalo pravomoćno i izvršno.  
(5) Sud će na prijedlog ovlaštenog tijela ili po službenoj dužnosti donijeti rješenje o obustavljanju postupka izvršenja kazni i troškova postupka u slučaju smrti ili trajnog duševnog oboljenja kažnjenika, nakon čega će se izvršiti brisanje novčane kazne i troškova postupka.

#### **Član 103.**

##### **Posljedice upisa kazne u Registar novčanih kazni**

Dok se ne plate sve novčane kazne i troškovi evidentirani u Registru novčanih kazni, kažnjeniku se neće dozvoliti:

- 1) registracija ili produženje važnosti registracije motornog vozila;
- 2) izdavanje ili produženje važnosti vozačke dozvole;



web: <http://mpu.ks.gov.ba>  
e-mail: [mpu@mpu.ks.gov.ba](mailto:mpu@mpu.ks.gov.ba)  
Tel: + 387 (0) 33 562-083,  
Fax: + 387 (0) 33 562-241

Sarajevo, Reisa Džemaludina Čauševića 1



- 3) sudjelovanje na javnom tenderu;  
4) registracija pravne osobe, promjena registracije pravne osobe ili registracije samostalne poslovne djelatnosti - obrta; ili  
5) promjena vlasništva motornog vozila.“

Pored citiranih odredbi Zakona o prekršajima, u članu 8. st. 3., 4. i 5. Zakona o Agenciji za identifikacijske dokumente, evidenciju i razmjenu podataka Bosne i Hercegovine ("Službeni glasnik Bosne i Hercegovine", broj: 56/08) propisuje se:

**„Član 8.  
(Djelokrug i nadležnosti Agencije)**

**(3) Agencija vodi evidenciju:**

- a) jedinstvenih matičnih brojeva (JMB);  
b) prebivališta i boravišta državljana Bosne i Hercegovine;  
c) ličnih karata državljana Bosne i Hercegovine;  
d) građanskih, službenih i diplomatskih pasoša;  
e) vozačkih dozvola;  
f) registracije motornih vozila i dokumenata za registraciju;  
g) ličnih karata za strane državljane;  
h) novčanih kazni i prekršajnu evidenciju;

i) druge evidencije za koje postoji saglasnost izvornih organa, a uz posebnu odluku Savjeta ministara.

(4) Agencija je **isključivo nadležna za tehničko održavanje i elektronsko arhiviranje podataka i informacija koje se vode u evidencijama definisanim u stavu (3) ovog člana, kao javnog dobra na nivou Bosne i Hercegovine.**

(5) Agencija nije vlasnik podataka pohranjenih u evidencijama definisanim u stavu (3) ovog člana, nego je to izvorni organ.“

Imajući u vidu citirane odredbe navedenih zakona (Zakon o prekršajima i Zakon o Agenciji za identifikacijske dokumente, evidenciju i razmjenu podataka Bosne i Hercegovine), kao i izjašnjenja i odgovore jedinica lokalne samouprave na predmetnu inicijativu, koja nisu jedinstvena i koja ukazuju da je postojeći sistem uspostave i vođenja Registra novčanih kazni centraliziran i nema problema u pristupu i unosu podataka u već postojeći Registar novčanih kazni, Ministarstvo pravde i uprave smatra da nema zakonskog uporišta da kantoni svojim propisima regulišu i uspostave Registar novčanih kazni i prekršajnih naloga.

Prilog: - Izjašnjenja jedinica lokalne samouprave (6x).

S poštovanjem,

Dostaviti:

1. Naslovu;
2. Stručna služba Vlade  
Kantona Sarajevo;
3. a/a.



web: <http://mpu.ks.gov.ba>  
e-mail: [mpu@mpu.ks.gov.ba](mailto:mpu@mpu.ks.gov.ba);  
Tel: + 387 (0) 33 562-083,  
Fax: + 387 (0) 33 562-241  
Sarajevo, Reisa Džemaludina Čauševića 1





3200

Služba za opću upravu

i inspekcijske poslove

Broj: 09-40-5086/21

Datum: 23.07.2021.godine

26-07-2021  
04  
27-07-2021  
04 04 25258-98  
14

KANTON SARAJEVO

Ministarstvo pravde i uprave

Ul.Reisa Džemaludina Čauševića br.1

**Predmet: Izjašnjenje, dostavlja se**

Veza, vaš akt, broj:03-04-04-25258/21 od 13.07.2021.godine

Na vaš zahtjev, broj gornji, a vezano za zastupničku inicijativu Admele Hodžić, koja se odnosi na uspostavu Registra novčanih kazni za službe općinske inspekcije, dostavljamo vam informaciju o postupku koji se, kada je u pitanju navedena problematika, provodi od strane Službe za opću upravu i inspekcijske poslove Općine Stari Grad Sarajevo, kako slijedi:

Od mjeseca juna 2018.godine u Općini Stari Grad Sarajevo su započete i do kraja 2018.godine okončane aktivnosti na uspostavi Registra novčanih kazni i od navedenog perioda općinski urbanističko-građevinski i komunalni inspektori, počiniteljima prekršaja izdaju prekršajne naloge, na prethodno osmišljenim i odobrenim obrascima prekršajnih naloga.

Naime, u provođenju potrebne procedure, shodno odredbama Zakona o prekršajima Federacije BiH (Sl.novine Federacije BiH, broj: 63/14) Općina Stari Grad Sarajevo je od strane Federalnog ministarstva pravde, pribavila odobrenje na predloženi obrazac prekršajnog naloga, za koji je prethodno utvrđeno da sadrži sve elemente propisane odredbama člana 55. Zakona o prekršajima (Sl,novine Federacije BiH, broj: 63/14).

U daljem toku pokrenute procedure, od strane Federalnog ministarstva pravde dostavljeno nam je zaduženje od 500 jedinstvenih brojeva za prekršajne naloge, radi štampanja obrazaca, za koji posao je, od strane Općine, kao naručioca usluge, izvršen izbor štamparije, i do danas se predmetni obrasci, po ukazanoj potrebi, obezbjeđuju na naprijed opisani način.

Registar novčanih kazni je zajedno sa pratećom opremom uspostavljen, odnosno instalisan u prostorijama ove Službe krajem 2018.godine a za administratora koji vrši unos podataka i radi u istom, pribavljeno je odobrenje Federalnog ministarstva pravde.

Nakon što prekršajni nalog postane konačan i izvršan, vrši se unos podataka o izrečenoj novčanoj kazni u Registar novčanih kazni, kako je to predviđeno odredbama člana 102.Zakona o prekršajima a iz dosadašnje prakse je vidljivo da sve evidentirane novčane kazne ( u slučaju da iste ne budu


plaćene),kao dug u Registru, predstavljaju smetnju za ostvarivanje prava u oblastima taksativno navedenim u članu 103. pomenutog Zakona.

Iz naprijed navedenog je vidljivo da Općina, kao ovlašteni organ koji je izdao prekršajni nalog,odnosno da postupajući inspektor ima kontinuiran i nesmetan uvid, kako u izdate prekršajne naloge tako i u praćenje izvršenja izrečenih novčanih kazni po istim.

Prednje, posebno imajući u vidu da je Registar novčanih kazni elektronska baza podataka o izrečenim novčanim kaznama za prekršaje i drugim prekršajnim sankcijama,kako je to propisano Zakonom o Agenciji za identifikacione dokumente, evidenciju i razmjenu podataka Bosne i Hercegovine (Sl.glasnik R BiH, broj: 56/08).

Cijeneći da se nakon uspostave Registra novčanih kazni, a što je zakonska obaveza svakog ovlaštenog organa, u dosadašnjoj praksi primjene nisu pojavile neke značajnije poteškoće, prekršajni postupak se, od strane postupajućih inspektora, u najvećem broju slučajeva i pokreće izdavanjem prekršajnog naloga, na naprijed opisani način.

S poštovanjem,



PO OVLAŠTENJU OPĆINSKOG NAČELNIKA

POMOĆNIK NAČELNIKA

Alija Svraka, dipl.ing.arh

DOSTAVITI:

1.Naslovu

2.Evidencija





**Grad Sarajevo**  
**City of Sarajevo**

13-0-2021 04 3325  
Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKA UPRAVA**

Grad Sarajevo  
Gradski inspektor

Broj: 06-04-4517-1/21  
Sarajevo, 29.07.2021. g.

Kanton Sarajevo  
Ministarstvo pravde i uprave  
N/r Darja Softić Kadenić, ministrica

Predmet: Izjašnjenje - dostavlja se.-  
Veza: Vaš akt, broj: 03-04-04-25258/21 od 13.07.2021. g.

*Poštovani,*

Povodom zaprimljene Zastupničke inicijative zastupnice Admele Hodžić, akt, broj: 01-05-23628-25/19 od 02.07.2019. g. koja se odnosi na uspostavu „Registra novčanih kazni“ prekršajnih naloga izdanih od strane Službi općinskih inspekcija svih devet općina Kantona Sarajevo, obavještavam Vas o slijedećem:

Registar novčanih kazni i prekršajne evidencije (RNKiPE) u nadležnosti je Agencije za identifikacione dokumente, evidenciju i razmjenu podataka BiH (IDDEEA). Grad Sarajevo ima uspostavljen pristup navedenom registru od 13.02.2014. g.

Budući da od 2014. g. obavljam i poslove vezane za pristup Registru novčanih kazni i prekršajne evidencije dajem kratak osvrt na način ostvarivanja pristupa navedenom Registru, te način korištenja istog od strane organa uprave.

Omogućavanje pristupa Registru novčanih kazni i prekršajne evidencije ostvaruje se putem SGT 4 obrasca, koji popunjava institucija kojoj se omogućava pristup, prilikom čega se navode i podaci o uposlenicima koji će vršiti pristup registru.

Agencije za identifikacione dokumente, evidenciju i razmjenu podataka BiH će prilikom uspostave pristupa organu uprave dostaviti parametre za pristup Registru (iste se unose na računar korisnika i server), te korisnička imena i šifre za pristup svakom korisniku.

Za pristup Registru Grad Sarajevo koristi računar na kojem se obavljaju redovni radni zadaci od strane Gradskog inspektora, tako da nije potrebno ulaganje u informatičku opremu i posebne software. Sam pristup Registru obavlja se putem web browser-a na računaru.

Prilikom popunjavanja SGT 4 obrasca potrebno je da institucija kojoj se omogućava pristup odredi minimalno dva uposlenika ili više njih zavisno od broja inspektora od čega će jedan biti administrator sistema, dok će drugi biti postupajući inspektor.

Adresa: Hamdije Kreševljakovića 3  
71000 Sarajevo, BiH  
Tel: +387 33 407 443  
Fax: +387 33 208 341  
Email: grad@sarajevo.ba  
Web: www.sarajevo.ba



Jedna od uloga administratora sistema je da vrši zaduživanje prekršajnih naloga koji se dodjeljuju instituciji kroz sistem od strane IDDEEA-e, nakon što količinu i brojeve prekršajnih naloga odobri Federalno ministarstvo pravde. Inspektor nije u mogućnosti izdati prekršajni nalog dok isti ne zaduži kroz sam sistem, prilikom čega se vrši i fizička primopredaja naloga između administratora i inspektora.


Zakonom o prekršajima (Službene novine FBiH br. 63/14) propisano je da svako ovlašteno tijelo može imati vlastiti obrazac prekršajnog naloga. Obrazac takvog prekršajnog naloga treba biti odobren od Federalnoga ministarstva pravde.

Budući da brojeve prekršajnih naloga odobrava isto ministarstvo, moram napomenuti da odobreni brojevi prekršajnih naloga imaju 9 cifri dok se deseta cifra na prekršajnom nalogu dobiva matematičkom formulom na osnovu prvih devet cifri. Ovo je bitno iz razloga što je prilikom štampe prekršajnih naloga potrebno odabrati štampariju koja će adekvatno izvršiti štampu prekršajnih naloga koji će sadržavati i desetu cifru.

Također, dužan sam Vas informisati da smetnji u radu Registra novčanih kazni i prekršajne evidencije nije bilo, te da su sve eventualne nejasnoće prilikom korištenja istog veoma lako premostive uz podršku poslenika IDDEEA-e.

U slučaju potrebe za dodatnim informacijama budite slobodni da me kontaktirate.

S poštovanjem,

  
Grđski inspektor  
Goran Vujović

Dostavljeno:

- Naslovu
- u spis

B301



Bosna i Hercegovina  
Federacija Bosne i Hercegovine  
Kanton Sarajevo  
OPĆINA VOGOŠĆA  
OPĆINSKI NAČELNIK  
INSPEKTORAT



17-0-100  
04

Vogošća, ul. Jošanička br. 80, tel: 00387 33 586-438

Broj:06-19-sl/21  
Vogošća, 20.07.2021.godine

Kanton Sarajevo  
Ministarstvo pravde i uprave  
Reisa Džemaludina Čauševića broj 1.

Bosna i Hercegovina  
Federacija Bosne i Hercegovine  
KANTON SARAJEVO

3-08-2021

Klasifikaciona oznaka	Broj	Redni broj
03.04.05	25258-179	

**Predmet:** Izjašnjenje na zastupničku inicijativu , -- dostavlja se  
Veza Vaš akt broj 03-04-04-25258/21 od 13.07.2021 godine

U pogledu zastupničke inicijative uvažene zastupnice Hodžić dostavljamo Vam sljedeće izjašnjenje.

Inicijativa je zaista odlična i istu treba ne samo podržati već i pretočiti u djelo kroz zakonsku regulative i primjenu u praksi . Kao što se vidi i iz obrazloženja inicijative zakonom je jasno definisano da inspektor prvenstveno koristi instrument prakršajnih naloga za počinjeni prekršaj međutim zbog ne postojanja registra novčanih kazni u najvećoj mjeri isti nikada i nebuudu plaćeni jer nepostoji mogućnost kontrole odnosno uslovljavanja plaćanja prekršajnog naloga kako bi počinilac prekršaja mogao ostvarivati druga prava kao npr poslovne transakcije , registracija vozila itd.

Ovim bi se izbjeglo podnošenje prekršajnih prijava sudu po čijim presudama apsolutno nismo zadovoljni jer u najvećem broju slučajeva izriču se kazne ukora ili novčane kazne koje su višestruko manje od zakonom propisanog minimuma, čime se zaista daje podrška onima koji čine prekršaje da ih opet počine bez veće odgovornosti a prilikom ponovne prijave nikada ne uzimaju u obzir činjenicu da se radi o povratniku u prekršaju odnosno da je više puta počinjen isti prekršaj.

Dostaviti: Naslovu

a/a








3300

04

Služba za saobraćaj, stambeno-komunalne poslove i građenje

Broj: 03/1-19-sl/2021  
Ilijaš, 29.07.2021. godine

**MINISTARSTVO PRAVDE I UPRAVE  
KANTONA SARAJEVO  
Ul. Reisa Džemaludina Čauševića br. 1  
71000 Sarajevo**



**PREDMET: Odgovor na zastupničku inicijativu zastupnice Admele Hodžić – dostavlja se,**

Aktom, broj: 03-04-04-25258/21 od 13.07.2021. godine tražili ste da Vam dostavimo izjašnjenje na inicijativu zastupnice Admele Hodžić, a koja se odnosi na uspostavu Registra novčanih kazni za službe općinske inspekcije.

S tim u vezi obavještavamo Vas da je Općina Ilijaš:

- Uspostavila Registar novčanih kazni, na način da je prvo kreirala obrazac Prekršajnog naloga, za isti dobila saglasnost nadležnog Ministarstva pravde Federacije BiH, potom je odobren traženi broj naloga te je istim dodijeljen poseban broj.
- Potpisala Sporazum o stalnom pristupu evidenciji izvornog organa sa Agencijom za identifikacione dokumente, evidenciju i razmjenu podataka Bosne i Hercegovine, te ispunila sve proceduralne obaveze prema Agenciji.
- Obezbijedila poseban računar koji nije uvezan u mrežu i imenovala Administratora za unošenje Prekršajnih naloga u sistem.
- Izvršila nabavku obrazaca Prekršajnog naloga i iste zadužila kod Agencije, te u tom dijelu Općina Ilijaš nema nikakvih poteškoća.
- Kada je u pitanju kontrola uplata izrečenih po Prekršajnom nalogu, općinski inspektori obavještavaju Službu za privredu i finansije o izdatom Prekršajnom nalogu, a Služba je obavezna općinskim inspektorima i administratoru dostaviti podatke o uplaćenju novčanoj kazni, kako bi se ista evidentirala u sistem, te na taj način inspektori imaju informaciju da
- Slažemo se sa dijelom inicijative da bi na nivou Kantona trebalo uspostaviti jedinstven sistem koji bi stranke koje imaju neizmirene sankcije po Prekršajnom nalogu, spriječilo da ostvare neko drugo pravo, te smo otvoreni za konsultacije i eventualne radne sastanke sa drugim općinama sa područja Kantona Sarajevo u cilju prevazilaženja i ovog problema.

S poštovanjem.

Obrađivač:


Adha Masnopita, dipl. pravnik

Dostavljeno:  
2 x Naslovu  
1 x a/a





Služba za inspekcijske poslove  
Broj: 04-19-5195/21  
Sarajevo, 23.7.2021.godine



Kanton Sarajevo, Ministarstvo pravde i uprave  
ul. Reisa Dž. Čauševića br. 1, Sarajevo

PREDMET: Izjašnjenje na zastupničku inicijativu g-đe Admele Hodžić, dostavlja se;  
Veza vaš broj: 03-04-04-25258/21

Službi za inspekcijske poslove je dostavljen gore navedeni akt kojim se traži izjašnjenje na zastupničku inicijativu u pogledu primjene prekršajnih naloga, te glede toga informiramo Vas se slijedeće:

Služba za inspekcijske poslove Općine Novo Sarajevo je prethodnih godina završila sa aktivnostima oko izrade obrazca prekršajnog naloga, koji je odobren od strane Federalnog ministarstva pravde, te propisno oštampan, i time ispunila propisane uvjete za izdavanje prekršajnih naloga, ali ne i evidentiranje u Registru novčanih kazni i prekršajne evidencije (RNK i PE).

Za vođenje prekršajne evidencije izdatih prekršajnih naloga i izrečenih prekršajnih sankcija u elektronskoj formi, kroz predmetni registar Službi za inspekcijske poslove je potreban odobren pristup registru novčanih kazni i prekršajne evidencije.

Pristup registru novčanih kazni i prekršajne evidencije je zahtjevna procedura koja pored uvezivanja sa Visokim sudskim i tužilačkim vijećem Bosne i Hercegovine, kao i Federalnim ministarstvom financija, zahtjeva i određena financijska sredstva za osiguranje tehničke - informatičke podrške u pogledu softvera za ovu namjenu, posebno opremljenog prostora za smještaj opreme i Administratora aplikacije.

Također, u cilju pristupa registru, a u skladu sa smjernicama datim od strane predstavnika Visokog sudskog i tužilačkog vijeća Bosne i Hercegovine, Kantonalnoj upravi za inspekcijske poslove je dostavljen Obrazac SGT za pristup bazi RNKiPE.XLS. Međutim daljnje radnje nisu poduzimane, uz naznaku da je bilo razgovora da se baza u pogledu softvera i administratora za općinske inspekcije Kantona Sarajevo formira na zajedničkom nivou obzirom na broj naloga koje izdaju općinski inspektori i opravdanosti pojedinačnih radnih mjesta za te potrebe.

Služba za inspekcijske poslove Općine Novo Sarajevo redovno podnosi zahtjeve za pokretanje prekršajnog postupka kod nadležnog Suda, a u narednom periodu je planirano da se poduzmu preostale potrebne aktivnosti kako bi se počelo s izdavanjem prekršajnih naloga u 2022.godini, jer sem početnih inicijativa sve do sada nije bilo izgledno da će se procedura izdavanja naloga i uvezivanje s bazom RNK i PE za općine u Kantonu Sarajevo riješiti na zajedničkoj osnovi.

S poštovanjem,

DOSTAVITI:

1. Naslovu
2. U predmet
3. a/a



Po ovlaštenju načelnika  
OPĆINSKI INSPEKTOR

Dijana Čučula, dipl.inž.arh.

Općina Novo Sarajevo, ulica Znuja od Bosne br. 33, centralni telefon (387 33) 492 100  
Služba za inspekcijske poslove

tel: (387 33) 492 153(154), fax: (387 33) 492 353, email: inspekcija@novosarajevo.ba  
Identifikacioni broj: 4200558710008 PDV broj: 200558710008 Porezni broj: 0170333000

Depozitni račun (račun za prikupljanje javnih prihoda): 1411965320011288 Bosna Bank International d.d.;

Transakcijski račun (za isplatu svih obaveza): 1610000019280022 Raiffeisen bank d.d. Sarajevo;

1411965320011191 Bosna Bank International d.d.;

102050000098065 Union Banka d.d. Sarajevo; 1413065320060897 Bosna Bank International d.d.




3187

27-07-2021 04

BOSNA I HERCEGOVINA  
Federacija Bosne i Hercegovine  
Kanton Sarajevo  
Grad Sarajevo  
OPĆINA NOVI GRAD SARAJEVO  
Služba za inspeksijske poslove

Broj: 02/11-19-13449/21 AĐ  
Sarajevo, 23.07.2021.god.

**Kanton Sarajevo**  
**Ministrastvo pravde i uprave**  
**Ul. Reisa Džeamaludina Čauševića 1**  
**71 000 Sarajevo**



**Predmet: Izjašnjenje po inicijativi- dostavlja se**  
**Veza: Vaš zahtjev br: 03-04-04-25258/21 od 13.07.2021.godine**

Povodom vašeg zahtjeva broj gornji, obaviještavamo vas, da je Služba za inspeksijske poslove Općine Novi Grad Sarajevo uvezana u Registar novčanih kazni te da inspektori (urbanističko –građevinski i komunalni) za počinjeni prekršaj počiniocima izdaju prekršajne naloge.

Po izdavanju prekršajnog naloga isti se automatski putem isnatilirane aplikacije preko administratora evidentiraju u Registar novčanih kazni.

S poštovanjem,

Dostavljeno :

1. Naslovu
2. Kabinet načelnika – **na znanje**
3. U spis predmeta

Šef odsjeka  
za urbanističko ~~metar~~ inspekcije

Amir Đedović dipl.ing.gřđ.